

اداره خانه سی : دارالفنون
قارشینده کاش حسن پاشا
مدرسه سی داخلده در

مرکز توزینی :
باب عالی جاده سنده (اتحاد
تجارت) کتبخانه سی

آبونه بدلی :
سنه لکی ۱۰۰ غروش
آلتی آلتی ۵۰ »

آبونه قیدی معامله سی هر سنه نك بونجی
وایکینچی آلتی آلتی اعتباراً اجرا اولونور

دینی ، علمی ، ادبی ، اجتماعی و سرری

مختل
۱۳۳۸

مجموعه ابروی سی

صاحی ، مدیری ، محرری :

اسلامك نفعنه خادم مقالات
مع الت شكر قبول ونشر اولونور

يازانك شخصیتی دكل، يازينك اهمیتی
نظر دقته آلتییر .

كلن يازیلردن شایان قبول کورولنلر
تاوخی صیراسیله درج ایدیلیر .

کوندریله جك آثار ، اوقوناقلی
و مختصرجه یازیلش، اولمالیدر .

ذی القعدة
فی : غروش
۱۰ ۱۳۴۱



عدد
جلد
۳۷ ۴

ابتد کړندن طولای کنډولرینی «شراة فدا کاران» لقبی ایلہ تلقیب ایتدیلر .

حروریہ نك مقصدلری قرآن کریمه معارضه ایتك دكل ، بلكه ظاهراً و باطناً قرآن کریمه اتباع ایدی . شوقدرکه «مقری» اولوب فقیه اولمدقلمدن آیات قرآنیہ دن آیات قرآنیہ نك دلالت ایتدیکی معنای آ کلا یورلر ایدی . فقه پیامکسزین آیت وحدیث ایلہ استنباط احکامه فالقششق خطای فاحشه مؤدی اولور ایدی . بوندن طولای حروریہ اك اوفق بر حادثه ذه دقایق فتوای بیسله مدکلمدن یکدیکرلرینی بیله تکفیره قدر واریرلر ایدی . حروریہ ، کندي دارلرینی دار ایمان وهجرت ، مخالفلرینك دارلرینی دار حرب عد ایتمکه جماعت ایلہ ، دار ایلہ دیگر مسلمینك داوندن ، جماعتدن آیرلمشلر ایدی . سفك دما ایلہ ، اخذ اموال ایلہ خروج بالسيف ایلہ بین المسلمین فتنه احداث ایلشلر ایدی .

حروریہ ، حکمینہ راضی اولانلری تکفیر ایتمکه بالنتیجه حضرت عثمان ایلہ حضرت علی رضی الله عنهما دن تبری اعتقادی بر اساس اولمش ایدی . مذهب حروریہ ده اوچ اساس واردر : ۱ — کناه کیری ارتکاب کفردر ، ۲ — حکمینہ راضی اولانلردن ، عثمان ایلہ علی (رضی الله عنهما) دن تبری لازمدر . تبری هر طاعته تقدیم اولنور . ۳ — امام جائره خروج بالسيف .

اباضیه نك ظهوری — حروریہ بر طاقم قوللره آیرلمش ایدی . اك اول ظهور ایدن شعبه (محکمہ اولی) شعبه سیدر . محکمہ اولی حضرت عثمان ایلہ علی رضی الله عنهما ی ، اصحاب جل وصفینی ، حکمینہ راضی اولانلری ، کناهکار اولانلری تکفیر ایدر ، مخالفین اولان مسلمینی تکفیر ایدرایسه ده آنلره مشرک دیمز ، مذهبلرینه

موافق اولان قاعدینی ، یعنی ضعف و سائرہ دن ناشی کنډیلر یله برابر بولونمیانلری تکفیر ایتز ، نصب امامی واجب کورمز ، اعتقادلرنجه قرشی اولسون ، اولسون نصب اولنوب بین الناس اجرای عدالت ، کتاب و سنت اوامرینه تطبیقاً اداره حکومت ایدن ذات امامدره امام ، سیرتی بوزارسه اوکا قارشی خروج واجب اولور . دها ضوکره ظهور ایدن (ازارقه) پك شدت کوسترمش ، اك نهایت اباضیه شبهه سی ظهور ایتشد .

عصر ثانی هجریده خلفاء امویہ نك نهایتی اولان مروان بن محمد زماننده خروج ایدن (عبدالله بن اباض) ك اتباعی اولان اباضیه مذهبی ، اهل سنته اك یقینی در . اباضیه ویا علی الاطلاق حروریہ ایلہ شامده ظهور ایدن ناصبه ی قاریشدر ماملیدر . ناصبه ، علی رضی الله عنہی قدح ایدنلردر ، حضرت علی و آل علی ی ایذا ایلانلردر ؛ شیعۀ عثمان (رضی الله عنه) دره . تمامیلہ شیعہ یه مقابلدر . اباضیه هم عثمان ، هم علی رضی الله عنهما دن متبری در . یالکمز ابوبکر الصدیق ایلہ عمر الفاروقی (رضی الله عنهما) تولى ایدر . ناصبه ، حضرت علی رضی الله عنہی تکفیر ایتز ، یالکمز تفسیق ایدر . حضرت عثمانی ائمه عدلن عد ایدر . حروریہ هر ایکسینی ده تکفیر ایدر .

مابعدی وار از میری اسماعیل صفی

احمدیه مذهبی کتابلرندن بری

قارئین کرامك خاطر نشانیدرکه محفل ك ۳۹ ، ۳۱ ، ۳۲ نجی نسخه لرنده (احمدیه حرکاتی حقنده بعضی نوظلر) عنوانلی بر مقاله مندرج ایدی . امیر مسعود بك طرفندن یازیلان بو مقاله ده ، هندوستانك پنجاب خطه سنده کی (قادیان) بلده سندن ظهور ایتش اولان (میرزا غلام احمد) ك مسیح

ايدەرك تېجد دىنيە ھوسكار، ياخود لمقصد دىني
مجدد لره طرفدار اولق غيرتى گودنلره عبرت
كوسترمك ايستەدم .

كتابت باشليجه مباحثي

۱ — جناب حق ، دين و دنيانك اصلاحي
ايچين سلسله محمدية يي سلسله موسويه مقابلي
طوقش . موسويك سلسله سنده دين اموري نه انيا
مأمور ايكن سلسله محمدية ده بووظيفه اوليا و علمايه
عائده .

دين موسى ، قرن ثالثه قدر حالت اصليه سيلاه
قالمش ، خاتم الانبيا عليه اكمل التحاياده (خير
القرون قرني ثم الذين يلونهم ثم الذين يلونهم) . بو يورمش .
جناب مسيح ، حضرت موساد ۱۳۰۰ سنه
صوكر [۱] كلش و سلسله موسويه نك خاتمه سي
اولمش . بو كا قياساً سلسله محمدية نك خاتمه سي
اولاجق ذاتك ده او قدر مدت صوكر كلمه سي لازم
ايمش . نيته كيم (ميرزا غلام احمد) ۱۳۰۰ سنه
هجريه سنده مهديك و عيسا لق دعواسنه قاليشمش .
۱۸۸۴ سال ميلادي سنده خسوف و كسوف
برلشمش ، شو حال مهديك ظهوري علاماتندن
ايمش . عيساد باشقهده مهدي يوقش . عيسى
ايسه صليبيك غلبه سي زماننده و بيكدن صوكر
اوچنجي قرنده نزول ايدەرك سلسله موسويه ايله
سلسله محمدية نك اتحاد و امتثالي امام ايله يه جك
ايمش .

۲ — كوشك مغربدن طلوع عصر سعادت
محمدية ده اولمش . چونكه : كوش ، اسلامدن
عبارت ، علمائيه كواكب منزله سنده ايمش . مجازاً
اكا بره و صلحايهده كوكب اطلاق اولونورمش .

[۱] حضرت موسانك ميلاد عيساد ۱۷۰۵ سنه
اول مصرده كي (منف) شهرنده طوغديني قاموس
الاعلامده محرردر . محفل

منتظر بولونديني دعواسيله اورتايه چيقديني ، ايجه
طرفدار بولوب مذهبك كرك هندده ، كرك اوروپا
و آصريقاده انتشار ايله ديكي ، اخير آده احمديلرك بايليرله
تشريك مساعي ايله مش اولدقلى خبر و يريلىوردى .
مقاله مندرجه زيرينه محفل نامنه يازيلان
مختصر بر مطالعهده بعضى سوزلر سويله نيلىكدن
صوكر ا بو مذهب حقتده قطعي بر حكم و يره بيلمك
ايچين او كا دائر يازيلش اثرلى كورمك و تدقيق
ايتك لازمدر مألده بيانانده بولونولمىدى .

رمضان شريف ايچنده حسن تصادف اثرى
اولارق المة بر رساله كچدى . (كتاب الهدية السعدية
فيما جرى بين الوهابية والاحمدية) عنوانيله - مصرده
كاثر (النجاح) مطبعه سنده ، قاديان ده كي سعديه
كتبخانه سي حسابنه - باصيلمش اولان بورساليه نك
ابتداسنه و صوكنه محرر ، ياخود مترجمي نامى
و تاريخ طبي قونولماش ، ايچنده (حجازه شمندوفر
يا بيلاجق اولورسه ...) ده نيلىمش اولماسنه كوره
باصيلماسي ايجه اسكي . يالكز خاتمه سنده (غلام
النبي) امضاي مستعارى وار .

برنجي صحيفه سنده (طبع و ترجمت) ده نيلىمه
سندن فارسي ، ياخود اردو لسانندن تعريب
ايدىلديكي آ كلاشيلور . فارسي ايله كچسهدى
بلكه تفهيمى داهاقولاى اولوردى . چونكه :
عربجه سي چتره فيلجه !

احمديلكي مدافعه و نيجدهده كي (وهابي) مذهبنه
منسوب بريلاه مباحثه و اديسندن يازيلش ، داهاقولا
طوغروسى اويله بركتابدن خلاصه ايديلش .
مندرجاتي بعيد بر طاقم تاويلات ايله (آسمان
وريسمان) مثلي كي رطب و يابس بعض افادادن
عبارت .

احمديه مذهبك ماهيت باطله سني ميدانه چيقاران
بو رساله . مندرجاتي آ كلايه بيلديكم قدر خلاصه

بولونديغنه ده بوتون کشمير تاريخلريله اهالي سي متفق ايمش .

۴ — (رآويناهما الى ربوة ذات قرار ومعين) آيتنده كي (ربوه) نك نره سي اولديغنه دائر مفسر لر قطعي بر سوز سويله يه مه مشلر ، بعضيلري (بيت المقدس) بعضيلري ده (دمشق الشام) ديمشلر . کشميرده حضرت عيسا نك قبري كشف اولوتجه (ربوه) نك نره ده بولونديغي تين ايمش . چونكه کشمير طاغلري ، دنيا نك اك يوكسك جبالدن اولديغي كي طاتلي و آقار صولري ده وارمش .

۵ — (وحى) انبيا ه مختص اولساديني كي مؤمنلره ده ملك نزول ايد بيليرمش . زيرا : قرأته (تنزل عليهم الملكة) و (تتلقاهم الملكة ان لا تخافوا ولا تحزنوا) بويورولمش . بناء عليه خاتمة الائمة اولان برذاته ، يعنى ميرزا غلام احمد ملك كلوب وحى كتيرمه سي نه دن تمتع اولاييليرمش !

۶ — غلام احمدك مسيحاك دعواسي ، پيغمبرك ادعاسي دكش . چونكه : خاتم الرسل حضرتلرندن صوكراني كلك احتمالي يوقش . عكس تقديرده (باييلك) ديني تصديق ايتك لازم كليرمش . (۱) حديثده نزولي خبر ويريلن مسيح ، بني اسرائيلدن دكش ، مسلميندن ايمش . مسيحاك قيزيل يوزلو اولديغي حديثده ذكر ايديله مش . ميرزا غلام احمد ايسه اسمرا اللون ايمش .

۷ — بو امام همامك ! طوغرولغني صدق محمدى ايله مقايسه ايتمه لي ايمش . نبى اكرم افنديمك دنيا ايشلرنده كي صدق و امانتدن امور دينيه ده كي صدق استدلال ايديلش ، طرف نبويدن مبايله تكليف ايديلن بر خريستان هيئت مرخصه سنجه اودعوتيه اجابت اولونامش .

[۱] بايلرله برلشمه لري ، باييلكي تصديق ديمك اولمازنى ؟

امتنى (مسلمين) تسميه ايدن ابراهيم عليه السلامك صحفى ايله اسماعيل عليه السلامك تعاليمى انوارى حجازده سونمه يه باشلايه ليدن برى شمس اسلام ، مكده غروب ايتمكدن خالى قالامش . بعثت نبويه وهجرت محمدية وقوعيله مكه فتح ايديلنجه انوار اسلام يكي دن طلوعه باشلامش . شو حالده شمسك مغربى مكه واورادن طلوعى ده بعدالفتح ايمش .

يوقسه فرعون وقومى ده طوغرو يولدن چيقمش وتوبه لري قبول ايديله مش اولديغي حالده مصرك غريبندن ده ، شالندن ده ، جنوبندن ده كونش طوغرامش .

۳ — (انى متوفيك) آيت كريمه سي حضرت عيسا نك وفاتنه دلالت ايدرمش .

نبى مشار اليه ، يهوديلرك والده سنه افترا وكنديسي قتله اجزا ايتمه لرندن صيقلشمش ، نجات و خلاصى ايچين دعا ايتمش . حتى دعاسندن آكلا- شيلديغنه كوره يهوديلر ، جناب مسيحي دوكمشله ، اذيت ايتمشلر و يارالامشله . حواريلرده كنديسي برمرهمله تداوى ايتمشله . مؤخرأ يونان واونلردن انتقالاً هند وفارس اطباسى - حواريون مرهمى ده نيلن - بو علاج حقنده يوزى متجاوز كتاب يازمشله . جناب حق ، روح اللهك دعاسنى قبول ايدرك (يا عيسى انى متوفيك ورافك الى) تبشيرنده بولونمش واسباب نجاتى تهيه ايله فارس طريقندن كابل وكشمير بلادينه كيتمه سنى ، آرتيق بيت المقدسه دوغمه سنى امر ايتمش .

حضرت عيسى ايله والده سي كشميره كيدوب (سرى نكر) بلده سنده اقامت واوراده وفات ايله مشله .

مسيحاك سرى نكرده مدفون اولديغنه واوراده معلوم برقبر صاحبك كنديسنه كتاب انجيل نازل اولان و مملكتندن قاچوب كلن عيسى بن مريم

بونک کې میرزا غلام احمد دہ کنديسنه اينامانلره
مباھله وملاعنه تکليفده بولونمش ده هند مشرکلرندن
(ليکھرام) نامنده بری تکليفه اجابت ايله مش .
هرايکيسی ده « ياربی اچمزدن تابع ضلال اولانی
قهر ايت » ديه دعا ايتملر .

امام احمد ، ليکھرام ک آلتی سنه صوکر ابايرامک
ايکنجی کونی مقتولا اوله جکنی ، ليکھرام ده
امامک اوچ سنه صوکر ا هيصه (۱) علندن وفات
ايد جکنی سويله مش .
فی الواقع ليکھرام سنه موعوده ويوم معينه قارنه
يچاق صوقولمق صورتيله قتل ايديلمش (۲) .

بوندن صوکر (غلام دستکير القصوری)
نامنده کی مشهور علامه ، بر کتاب تأليف ونشريله
امامک مسيحتک ، مجدداک ، مهدياک دعواسنده
کاذب اولديغنی اعلان ايتمش وسوزلری يا کليشسه
کنديسنک اوندن اول اوله سی اچين تمنايدنه بولونمش .
لکن کتابنک انتشارندن ۲۲ کون صوکر ا هلاک
اولمش (۳) .

(عليکده) و (لکھوکی) بلده لری علماسندن
(مولوی اسماعيل) ايله (مولوی محی الدين) وسائر ده
هپ بويله سوء عاقبه اوغرامش .

۸ — امام هام ! اخبارات السيهيه مخاطب
اولورمش که بو اخبارات (البراهين الاحديه) کتابيله
نشر ايديلمش .

« سنی ناسه امام ومقتدا قيلاجم . کنديلرينه
سهادن وحی يوللايه جغمز بر طاقم کيمسه لرده سکا
يارديمده بولوناچقلر واوزاق يوللردن کله جکلر دره .

(۱) الهيصه : قارنی کچمک وهم دخی يديکی طعامی
تيز تيز قوصمق - اختری .

(۲) قاتلک هانکی ملت و مذهبه منسوب اولديغی
خبر ويريلسه يدی بو قتلک امامک امريله اولوب اولماديغنده
انسان ترده دوشمزدی .

(۳) بو آدامک ده نه صورتله اولديکی سويله نيليبور .

اللهک نورینی سوندورمک ايتيورلر . الله ايسه
نورینی اتمام ايدنه جکدر . ولوکه کافرلر اونی خوش
کورمه سين . انسانلر محافظه ايتمه سله ربيله الله سنی
حمایه ايدنه جکدر . سن ، کوزلر يمزک اوکنده سک
سنی متوکل تسميه ايتدم . ايکی قويون کسيلاه .
جکدر « ديمک اولان (وانی جاعلک للناس اماما
ينصرك رجال نوحی اليهم من السماء يأتون من کل
فج عمیق يريدون ليطفؤا نورالله والله متم نوره
ولو کره الکافرون يعصمک الله ولو لم يعصمک الناس
انک باعينا سميتک المتوکل شاتان تذبجان) .

کلماتی او اخبارات جمله سندن ايمش .

۹ — غلام احمدک ظهورندن مقدم بعضيلری
اونک بعثتی ! خبر ويرمشلر . شاه نعمة الله الولی :
اين زمان بشنو بکوش جان دل و جان پدر
صاحب سجاده عالی مکان پيدا شود
مطلعلی برقصيده سويله مش و قصيده سنده
درهز اروسه صد اين کارونشان پيدا شود
ديبه رک ۱۳۰۰ سنه سنده عالی مقام بر صاحب سجاده
چيقاجغنی بيلديرمش .

هندک (لوديانه) اياتی قراسندن (جمال فور) ده کی
بر ولی ايله (ولی عبدالله المحدث المهاجر) ده
بعث امامک مخبرلرندن ايمش .

بو صوکنجيسی افغانستانی اولوب اورا علماسنک
اغراسيله اميرک واقع اولان اذاسندن قاچوب ،
نجات بلادينه هجرت ايله مش .

امامک الهاماتنده کسيلاه جکی خبر ويريلن ايکی
قويون ايسه کابل رئيس علماسی (شيخ عبداللطيف
خان) ايله تليدينک امير افغان طرفندن قتل
ايتديريله سنه اشارت ايمش !

مفتريلرک دوچار خيبت اولاجنی شبهه سزاينک
امام احمد ، کنديسنک مسيح موعود اولديغنی ،
وحی الهامی و کشفی به مظهر و ملائکه به مهبط

تظاهر اتندن آنجق بریدر. عرق و ماضیری مختلف اولان مسلمانلرک فردی، اجتماعی، دینی طور و حرکتده کی توافقک متعدد نقاطده موجود اولمسی پک جالب نظر در. شبهه سز بو اجتماعی وضعیت، نصل عمومی عرب لسانک لهجه سی کرک اسکی شاعر لرک، کرک قرآنک عینی دکلسه؛ (حضرت) محمد زماننده کی عربلرک عاداتک تکرری دکلدر. فقط بوتکاملات بشریه نک هپسی؛ دینک انکشاف ایتدیکی اوج عصر ظرفده اسلام حکومت مرکزیه سنده کی حیاتی خاطراتان بر عرب مارقه سی طاشیر. هانکی مملکتده منسوب اولورسه اولسون ایکی مسلمان، لای علی التعین بر بین الملل جمعیت افرادندن دها چابوق بر برینی آکلامنی اوکره نیر. اسلاملاشمس عربلرک، تاریخ عمومیده مثلی اولیان سریع موفقیاتی پک جزئی بیلدیکمز بر طاقم اسباب ایله ایضاح اولنور: بو عربلرک دنیا صحنه سنه چیقدرلری زمان مالک اولدقلری عزمدن ماعدا باشلیجه سبیلر میاننده (حضرت) محمد طرفندن؛ رسالتک آنجق عربلره تخصیص اولندیکنک بارز بر صورتده اظهاری ذکر اولنه بیلیر. احوال؛ صرف عربلره عائد اولان رسالتی عمومی به تحویل ایتدیکی وقت، عالم اسلامک هیئت مجموعه سی او قدر عربلشمشدی که عرب اولیانلر بیله، کندی راحتلرینی تأمین ایچون، لسانک و حیاتک تبدیلنه آز چوق قاتلاندرلر.

احوالک بومرکزده اولمسی، سوبلدیکم وجهله (حضرت) محمد طرفندن توصیه اولتان مساواتک عربلره فضله نفوذ ایتمی ایچون غیرمساعد ایدی. موجودیتک اپلک عصرنده مسلمان حکومتی عرب ایمپراطورلنی دبه پک طوغری اوله رق توصیف ایدلشدی. قبل الاسلام مترقی بر حرثه مالک بولنش اولانلر اوزرنده، عرب تفوقی پک زیاده تأثیر ایدیوردی بر چوق فردلرک، عائله لرک

بولوندیغنی سوبله دیکی حالده نائل فلاح اولمش. اکر امام مسیحک بر کیجه لک عبادتی، تضرعاتی و جناب حقه الحاحیله بوتون معاصرلرینک عبادات و تضرعاتی طاریتاسه امامک کفه سی یوکسه لیر، معاصرلرینک کی اسفل سافلینه قدر آچالیرمش (۱).
۱۰ — غلام احمدک قابعلری استانبولده شیخ ابوالهدایه، مصرده محدث شیخ شریبنی به، مفتی شیخ محمد عبده به، محدث شیخ احمد زفای به مکتوبلر کونده روب تصدیق و اتباعه دعوت ایتمشلر. لکن مشارالیه مک جواب و یروب ویرمه دکری یازیلیور.

برده (دجال) افسکار باطله نشر ایدن مکار خرسیتانلر، (دابة الارض) علماء سوء (یأجوج و مأجوج) ایسه بریتانیا اقوامی ایتمش!
احتوا ایتدیکی صاحبه لراعتباریله جامع الکلم اولان بورساله نک مباحث مهمه سی شو خلاصه ایتدکلرمدن عبارت. دینی بوتون و عقلی باشنده بر مسلمانک بو هذیانلری خنده استخفاف ایله قارشسیلایه جینی طبعیدر. آجیناجق بر جهتی وارسم بر طاقیم ارباب غفلتک بویله ترهات نشر ایله یین بر مذهبه قاپیلیمش و قاپیلانمش اولماسیدر.
اللهم خلصنا عن الاشتغال بالملاهی وارنا حقائق الاشیاء کما هی. طاهر الخولوی

عالم اسلام و عرقلر مسئله سی

(کچن نسخه دن مابعد)

«لسان؛ اقوام اسلامیه اتحادینک کوسترمش وعصر اخیرده کی وقایع سیاسیه نک فنا تأثیراتنه رغماً کوسترمکده بولنش اولدینی. شایان حیرت و حدتک (۱) ترازوی کفه سنک یوکسه له سی، شبهه سز که بوشلغنی کوستریر. عیناً ترجمه ایتمش اولدیم بو فقره ده غلام احمد مدح ایدیلک ایسته نیلیرکن ذم اولونویور و انطاق حق قیلندن اوله رق حقیقت جال افاده قیلنور.